

առեղծուածային գոյութեան ամենհաստատուն պատուանդանն է :

Արդարեւ՝ որքան եւ արժէքաւոր լինին արտասահմանեան աշխատաւորութեան դործօն համակրանքները, որքան եւ առատ լինին Գ. Ինտերնացիոնալի դադանի Ֆոնդերը բուրժուական հասարակակազմի դէմ բուռն պրոպագանդ վարելու համար, որքան եւ ճարպիկ լինին սովետական դիկտատորները իրենց նենգ ու դաւադիր դործելակերպի մէջ, այնուամենայնիւ այդ բոլորը միասին ոչինչ արժեն ոռւս ազգի հոգեբանական Փակտորի համեմատութեամբ : Առանց այդ ներքին կարելիութեան ու յենարանին, բոլշեւիզմը ոչ թէ տասն տարի, այլ տասն օր իսկ գիմանալ չէր կարող :

Տասն տարին այս հակամարդկային ու հակաքաղաքակրթական բեժիմի՝ դէշ ու վհահեցուցիչ վկայական է որեւէ ժողովրդի համար : Մենք տեսանք, որ եւրոպական ոչ մի երկիր հանդուրժեց Լենինեան աւետարանը անդամ մի տարի : Այս ապշեցուցիչ փաստը ոռւսական հոգեբանութեան մի յուսաբեկիչ արտայայտութիւնն է :

Շատ բարդ է ոռւս մարդու ներքինը եւ յաճախ աշխարհին շատ անծանօթ մնացած : Եւրոպայի կէսի վրան թառած սլաւոնական այդ վիթխարին մի առեղծուածային գոյութիւն է շատ եւրոպացիների համար : Եւրոպայում յաճախ սլաւոնական շողակրատանքի նիւթ են միայն ոռւս կեանքն ու իր առանձնայատկութիւնները. եւ որչափ անեկզոտներ կամ գրեթէ վայրենի կարծիքներ տրիկններին զուարճացրնելու համար : Ռուսիային նուիրուած շատ հատորներ են աչքի անցրել տարիներից ի վեր, եւ միշտ էլ ապշել են հեղինակների տգիտութեան ստե՞մ, թէ թեթեւամտութեան վրայ : Անգամ մեր օրերում, Ռուսիոյ այս աննախընթաց տաղանայի չքմանում, տակաւին օտար ճամբորդների ծանօթութիւնն աւելի հեռու չի դրնում, քան վաղուց հետէ ձանձրալի դարձած «կնուս», «մուսիկ», «կօզակ» բառերը եւ մանուանդ չարչրկուած «նիչեվօն» : Մինչդեռ լուրջ, խղճմիտ ուսումնասիրութիւնը ոռւսական աշխարհի եւ խառնուածքի, հաւանաբար հեշտութեամբ պիտի վեր հանէր ու բացատրէր բոլշեւիզմի տիրապետութեան պատճառ-

ներն ու նրա շատ առանձնայատուկ կողմերը :

Ռուս ժողովուրդի ամբողջ բարոյական կազմուածքը կրում է ստեպների հոգեբանութեան խորը կնիքը : Ռուս հոգին ինքն էլ մի լայնատարած ու երազուն ստեպ է, ուր բնութիւնը լեռ չունի եւ մարդը՝ կամք :

Պարադոքս չէ, այլ պատկերաւոր ճշմարտութիւն, որ փուռած է ոռւս ճոխ եւ օրիգինալ գրականութեան էջերում ու գրեթէ բոլոր հեղինակների երկերի մէջ :

Արդութեան դադափարի էջօլիւցիայի մէջ դուցէ լուսազոյն եւ իմաստայի սահմանումն այն է, որ այդ դադափարը կապում է տուեալ երկրի աշխատաւորական, կլիմայական, երկրաբանական ու պատմական պայմաններին : Շատերը դարձանում են, որ օրինակ, Չուիցերիայի բնակիչները այնքան նման են իրար ե՛ւ Ֆիզիկոյ, ե՛ւ ներքին, բարոյական նկարագրով, հակառակ՝ որ տարբեր ծագումն եւ տարբեր լեզու ունին, մի կողմը ենթակայ Գերմանիայի քաղաքակրթական ազդեցութեան եւ միւսը՝ Փրանսայի : Կարծում են, սակայն, որ այստեղ ոչինչ կայ դարմանալի. ամէնքին էլ Ալպեան լեռների հոգին է ծնել, դաստիարակել, ներշնչումներ տուել, կեանքը կազապարել, պարապմունքները ձեւակերպել եւ որոշ պատմութեան ճամբին գրել նրանց քաղաքական բախտը :

Չուիցերիացիք Ալպերի հոգին են կրում իրենց էութեան խորքերում :

Ստեպների անձայրածիր ու երազուն հոգին է իշխում ոռւսական խառնուածքին, նրա Ֆիզիկի ու բարոյական ամբողջ կազմուածքին : Ստեպը՝ հարթ ու անեզր, ու այս պատճառով քաշող ու խորհրդաւոր :

Ստեպը՝ որ ուրազաններ ունի վիշապի պէս, որոնք սլանում են անարգել սար ու ձորից, ժայռ ու բլրից թախուր հարթութիւններով եւ լեզում են յարկ, բնակութիւն ու արօտ :

Ստեպը՝ որ գետեր ունի, պղտոր, լայնանիստ ու յօրանջուն, ինչպէս մտրակի տակ հանդչոզ կեանքը. եղէգնուտներ ունի ծաւալուն ու դալար, որոնք գիշերները հեկեկում են խշրտուկով եւ ուր վայրի ձիերը սլանում են մրբկաչունչ երամակներով գայլերի վոհմակները երեսից : Եւ ուշ գիշերներին բորենիներ